

30

25

20

15

10

5

說約
今參

四書正解

卷之三十

孟子盡心下

113
863
30

13
863
30

四書大全說約合叅正解卷之三十

童嘉駒幼千

丹陽吳荃蓀右彙輯

受業門人劉鶴齡天與全校

孟子

盡心章句下

凡三十
八章

不仁章全旨

此章孟子爲時君好戰而發世主飢甚不仁不愛

民者有矣寧有甘棄子弟于死地而毫不關情者乎
是動于一念之欲而不自覺耳故借梁惠以醒當世所以社
天下之殺機也十節是斷梁惠王之不仁而言其意下節乃因問而言其寔

孟子曰不仁哉梁惠王也仁者以其所愛及其所不愛

親親而仁民仁民而愛物所謂以其所愛及其所不愛也

卷之三
參序孟子曰君德莫貴于仁乃不仁哉梁惠王也仁者主于愛人以其所愛及其所不愛并不愛者亦愛之益無往而不用其恩也不亡者偏于慘刻以其所不愛及其所愛并所愛者亦不愛之益無往而不受其害也今惠王正以所不愛而及所愛非不仁而何

析講仁者四句以仁形起不仁正以明首句之意重不仁邊俱泛說○仁者所及是推及乎擴充意不仁者所及是波及乃連累意○不仁照下節卽所爲指出所蘊來梁王不仁在言外○蒙引仁者以萬物爲一體無一物不在所愛之中今乃以民物爲所不愛何也此亦所謂其所厚者薄而其所薄者厚之意蓋民物皆吾所愛視親則爲在所不愛矣

公孫丑曰何謂也梁惠王以土地之故糜爛其民而戰之大敗將復之恐不能勝故驅其所愛子弟以殉之是之謂以其所不愛及其所愛也

梁惠王以下孟子答辭也糜爛其民使之戰鬪糜爛其血肉也復之復戰也子弟謂太子申也以土地之故及其民以民之故及其子皆以其所不愛及其所愛也○此承前篇之未三章之意言仁人之恩自內及外不仁之禍由疏遠親參序公孫丑問曰何謂以所不愛及所愛也曰仁者用心由親而民由民而物梁惠王以貪土地之故糜爛其民而戰以爭之至于大敗將復戰之又恐民莫用命不能必勝故驅其所愛太子申監軍以殉之以至于被虜而死夫以土地視民與子弟則土地可以不愛而民與子弟在所當愛矣茲則因土地及民因民及子弟是之謂以其所不愛及其所愛也悅夫仁者之親親而仁民仁民而愛物者何如耶吾故曰不仁也

析講按子弟雖尤愛于民而本章立旨特重在民勿過重在于子弟云以土地之故及其民甚至及其子弟是真以其所不愛及其所愛蓋惠王之殉子弟畢竟是貪土地非爲民復仇也

春秋章全旨

此章意重尊王全重春秋無義戰句彼善句輕正見無義戰也征者節推原所以無義戰之故由于

孟子曰春秋無義戰彼善於此則有之矣

春秋每書諸侯戰伐之事必加譏毀以著其擅興之罪無有以爲合於義而許之者但就中善於

此者則有之如召陵之師之類是也

合參孟子曰嘗觀春秋一書其中紀戰者多矣或書名以示敗或書人以示訛無有以其戰爲合義而許之者但就中假尊王之事以行之聲無王之罪以擊之而春秋謂彼之戰差善于此之戰者則有之矣然總之無義戰也析講春秋是言春秋之經非謂春秋之時也無義戰指孔子書法言○無義戰言無有許其戰之合義者許中著其擅興之罪此意且勿露出恐洩下文彼善于此亦不就戰上說亦是春秋品第彼此之優劣也總是言無義戰意非僅許之也如齊桓召陵之師責包茅之不貢于天王爲能尊晉文城濮之戰遏荆楚之憑陵于中國爲有功此其事雖若善然皆不稟王命而擅興師旅故夫子一別書遂以訛其專一則書及以訛其意

征者上伐下也敵國不相征也

征所以正人也諸侯有罪則天子

討而正之此春秋所以無義戰也

參淺說夫春秋所以無義戰者何也征戰者以上而伐下之

義也諸侯有罪則天子討而正之諸侯奉而伐之此大義也

彼此相敵之國則不相征也若相征便是無王矣春秋

之戰皆是敵國相征而未嘗奉王命安復有義戰乎

析講義字是案征者句是斷孔子作春秋正以明征伐之善

不出諸侯收敵國之柄歸諸天子○太全新安陳氏曰春秋

以道各分使征伐自天子出春秋不作矣無義戰二字斷盡

諸侯兵爭之罪○翼註上指天子上下指諸侯敵國皆指

血之流弒句是糊案人無敵句是斷案何其

孟子曰春秋無義戰彼善於此則有之矣

春秋

孟

孟子曰盡信書則不如無書

程子曰載事之辭容有重稱而過其實者學者當識其義而已苟執其辭則時或有害於義不如無書之愈也參凌說孟子曰凡載事之書學者當識其大義而已不可執其詞而一一盡信之也盡信書則時或有害于義既無以明古人之心而反以滋後世之口實不如無書之爲愈也

析講麟土曰書字且泛不指尚書然大義則昭末節○無書不過泯古人之迹盡信則必失古人之心其

有借以文奸者其貽害不外故不如無書

吾於武成取一二策而已矣

武成周書篇名武王伐紂歸而記事之書也策竹簡也取其二十三策之言其餘不可盡信也程子曰取其奉天伐暴之意反政施仁之法而已

參序何以見書之不可盡信也彼武成之書乃盛世之良史宜若可信矣然其間詞不背義而有可信者吾但取其

二十三策如奉天伐暴發政施仁而已其餘安可盡信也

仁人無敵於天下以至仁伐至不仁而何其血

之流杵也

杵春杵也或作鹵櫓也武成言武王伐紂紂之前徒倒戈攻于後以北血流漂杵孟子言此則其不可信者然書本意乃

謂商人自相殺非謂武王殺之也孟子之

設是言懼後世之惑且長不仁之心耳

參序如武成有云血流漂杵夫仁人之師應天順人無敵于天下以武主之至仁伐紂之至不仁宜兵不血刃而士民歸之矣而何其與商人敵至殺傷力多

而血流漂杵也書不可盡信有如此

析講太公問血流漂杵乃紂前徒倒戈之所爲荀子以爲殺之者皆商人非周人是也而孟子不之信何哉朱子曰此亦拔本塞源之論蓋雖殺傷者非我而亦不忍言也程子以爲孟子設爲是言蓋得其微意○何其血之流杵也何宰奸將欲疑之則書有此言將欲信之則武王決無此事○首句是

論其理，如此下二句是反書意而設，是言見，有害于仁人無敵之意，可見書不可盡，信也。

有人章全旨

此是提龍人君勿爲戰陳之人所惑，意首節言強兵之罪大下詳言好仁之無敵以明之，全重好仁，節引湯武作証歸結在焉，用戰上方知戰陳之人全無用處。

節引湯武作証歸結在焉

兵之罪大下詳言好仁之無敵以明之，全重好仁，

陳去

聲

孟子曰有人曰我善爲陳我善爲戰大罪也

制行伍曰陳交兵曰戰

參淺說孟子曰戰陳者不仁之事也今有仁人曰我善爲陳我

善爲戰彼固自以爲有大功矣自我言之斯人也爭

他以戰殺人盈野爭城以戰殺人盈城大罪之人也

析講罪在殃民上見全從兩善字生脉惟其善罪之

所以大也○翼註

有仁人曰益當時人臣自負之詞

國君好仁天下無敵焉

好去聲

參序今之君所以必用戰陳者欲以兵威服天下也不知國君平日好仁而有以感動平民心一日興矣

弔伐之師則天下自無有與之爲敵者矣

南面而征北狄怨東面而征西夷怨曰奚爲後我

我

此引湯之事以明之解見前篇

參序何以見仁者之無敵如湯好仁之君也其十一征也南面而征北狄怨東面而征西夷怨曰若曰

我亦苦于虐政也奚爲後我孰有敵者

析講舉夷狄以見其遠也重奚爲後我句見其無敵

武王之伐殷也華車三百兩虎賁三千人

兩去聲

又以武王之事明之也兩車數十車兩輪也千書序作百參序又如武王亦好仁之君也其伐殷也載輜重之革車只用三百兩執射御之虎賁只有三千人其不尚兵威如此

析講此一句只言其不恃兵威以矯善爲陳善爲戰之意。革車載輜重之車以皮縵其輪籠其轂故號爲革車虎賁。蓋勇士之近王者如今之親軍禁軍也三百兩三千人射御以武王所率者言若八百來會及

唐蜀羣英諸國其兵不在此數

王曰無畏寧爾也非敵百姓也若崩厥角稽首

書泰誓文與此小異孟子之意當云王謂商人曰無畏我也

我來伐紂本爲安寧汝非敵商之百姓

也於是商人稽首至地如角之崩也

衆說然觀武王入殷之初而謂商人曰爾無畏我也我來除暴以安寧爾也非與爾百姓爲敵也于是

民皆若崩厥角然以稽首焉夫誰與王敵

析講此條只重若崩厥角稽首一句○麟土此上三條以湯武明其無敵雖皆是書詞不筭引書可勿究其同異也○王曰至姓也止乃謂商人之詞若崩句敘詞崩只是垂向之下之意言商人叩頭抵地

征之爲言正也各欲正已也焉用戰

虞反

民爲暴君所虐皆欲仁者來正已之國也

參淺說夫國君好仁而自能無敵于天下者何也蓋征之爲

言正也謂其以仁義之師而正彼庶民之罪也則民爲暴君

所虐皆欲仁者來正已之國也又豈有敵乏者既

無敵則焉用戰既不用戰則焉用彼善戰之人哉

析講不重解征字之義只由湯武之事看來以決其無敵耳

重各欲正已句正發明好仁一句之義

焉用戰言外見有國者不可用此人也

梓匠章全旨

此章勉學者自求心悟不可徒侍教者之啓發也

卽是巧不悟卽是規矩故有能使之別本一

文如詩六義之比未嘗說破正意于前後見之

孟子曰梓匠輪輿能與人規矩不能使人巧

尹氏曰規矩法度可告者也巧則在其人雖太匠亦未如之何也已蓋下學可以言傳上達必由心悟莊周所論斷輪之

意蓋如此

參淺說孟子曰君子教人有可傳者有不可傳者卽曲藝觀之木工有梓匠車工有輪輿其數人也能與人規矩而示之以可循之成法至于由規矩而神明之獨有得心應手之巧焉非不欲使之而不能使之也亦在人之自得而已

析講太全南軒張氏曰聖人之教人自洒掃應對而上皆規矩也行著察則存乎人聖賢亦豈能使之然哉然而固不外乎規矩舍規矩以求巧無是理也○新安陳氏曰巧卽在規矩中是既熟後自得之妙未有舍規矩而可以得巧者比達卽是下學之覺悟處未有舍下學而徑可

以上達者但巧與上達非教者所能致力耳

舜之章全旨此章總在舜心上見他雖大行不加雖窮居不捐也蓋聖人盡性故無所欣戚于其間隨寓

而安不以物動乎已也無預于已不以已隨乎物也

孟子曰舜之飯糗茹艸也若將終身焉及其爲天子也被袗衣鼓琴二女果若固有之

饑上聲糗久反布

音汝祿之忍反果說文作裸烏東反
飯食也糗乾糒也茹亦食也袗畫衣也二女堯二女也果女侍也言聖人之心不以貧賤而有慕於外不以富貴而有動於中隨遇而安無預於已所性分定故也

參序孟子曰常人之情未有不隨遇爲欣戚者也嘗稽帝舜其始之飯糗茹草也貧賤極矣而舜不自知爲貧賤也吾窺其心殆若將終身焉未嘗因處困而有慕于外也及其後爲天子也被袗衣鼓琴二女果侍富貴極矣而舜不自知爲富貴也吾窺其心若固有之未嘗因勢分而有動于中也遇雖懸而心常一非聖人所性分定其孰能

析講太全南軒張氏曰若將終身若固有之可謂善形容舜者蓋所欲不存樂天而安士窮而在下則無一毫之虧達而在上則無一毫之加故無適而不得也○二若字自孟子想他如此在舜併不自知其忘富貴貧賤也及其二字文法雖脣折講法須直下○王觀濤曰終身固有互炤看以後之富貴觀之舜非終身貧賤以前之貧賤觀之舜非固有富貴

此章教人慎所施也重在末句蓋施虐于人而貽

孟

吾今章全旨

吾今章全旨

致其殺者則我也故孟子窺其理勢以微之

孟子曰吾今而後知殺人親之重也殺人之父人亦殺其父殺人之兄人亦殺其兄然則非自殺之也一間耳

間去聲

言吾今而後知者必有所爲而感發也一間者我往彼來間一人耳其實與自害其親無異也范氏曰

知此則愛敬人之親人亦愛敬其親矣

參淺說孟子有所爲而感發曰吾今而後知殺人親之取禍至重也天道好還無施不報殺人之父人亦殺其父殺人之兄人亦殺其兄然則非自殺其父兄也特間一人耳其寔出爾反爾皆自殺之也殺人之親不重乎析講趙註父讐不同天兄讐不同國以惡加之必加之○大全張氏曰孟子斯言欲使時君無動于忿欲寡怨息爭以保其宗廟親一戚是仁術也

孟子曰古之爲關也將以爲暴

譏察非常

參序孟子曰古先王之于民墮在皆有以仁之而已故其爲關也將欲譏察異言異服之人以之禦止暴客此設關之本意也

今之爲關也將以爲暴

征稅出入范氏曰古之耕者什後世或收禾半之稅此以賦徵爲暴也文主之圃與民同之齊宣主之圃爲阱國中此以園圃爲暴也後世爲暴不止於關若使孟子用於諸侯必行文主之政凡此之類皆不終日而改也參序凡今之爲關也將欲征商貨之出入施虐下民以爲之暴而已民其如之何哉夫卽一關而古今之仁暴相遠如此

深可慨矣

身不行全旨

此章見人當盡道意上二句以躬行言下二句以子告居卑勢最易行令最易從今不能然則一言一行可行離于道平舉妻子則外而國與天下可知矣

孟子曰身不行道不行於妻子使人不以道不能行於妻子

身不行道者以行言之不行者道不行也使

入不以道者以事言之不能行者令不行也

衆蒙引孟子曰道者理之當然君子所以行之身而可以法令之入而可行者此也身不行道則觀法無自化不行于妻子

使人不以道則處置失宜令不行于妻子夫妻子

至近仰吾以爲天者尚不可化不可行尤他人乎

析講兩言妻子者非專爲妻子言也是舉最近而易行者以概其餘○不行者不能化之也不能行者令之不從也○翼註如身不行孝難使妻子行孝身不行弟難使妻子行弟是

周於章全旨

道不行也使人人不以道是我不使之者不合理也如投以不堪施以不恕之類加一能字勢不能也若道乃人所固一有非勢不能但無所觀感而興起耳故不用能字

周利乃無所不備之意周德兼定見定守意邪世

與亂世有別治亂以政言邪正以道言如孟子在戰

國之世崇主黜伯明仁義闢楊墨正邪世不能亂也

孟子曰周于利者凶年不能殺周于德者邪世不出亂

周足也言積之厚則用有餘

參大全孟子曰人貴蓄積然後有餘用如周于利者有以能給雖遇凶年不能殺之故良農不患乎年之凶而惟患乎嗇之不厚周于德者有以自立雖處邪世不能亂之故君子不患乎世之難處而患乎德之不充戰兢自持斯不敢挾一長一材以自足凡所以周其德也

析講不能亂不但不爲邪說所亂當體詳中應用有餘意如

君之不正者可以正之民之不正者有以化之異端有以辨之
之伯術有以反之皆是○

蒙引識不到則眩如荀或之從曹

操是也守不到則敗如楊雄之爲莽大夫是也

也氣不到則憚如王坦之之倒執手板是也

好名章全旨

此章論觀人之法爲欺世盜名者發其病全在三好字以名爲好其心只曉得有名故名之所所在則讓名之所不在則爭爭讓未必至此特舉其極以形容耳

孟子曰好名之人能讓千乘之國苟非其人簞食豆羹見於色

好乘食皆去

聲見音現

好名之人矯情于譽是以能讓千乘之國然若本非能輕富貴之人則於得失之小者反不覺其真情之發見矣蓋觀人不於其所勉而於其所忽然後可以見其所安之實也合參孟子曰讓美德也能讓美名也讓千乘之國惟賢人能之然好名之人亦有時而能之謂其足以成輕富貴之名也然苟非大寔能讓國之人則雖簞食豆羹之小者一有得失反不覺其喜怒之見于色矣是豈能讓千大而不能讓于小哉

不信章全旨

此章見爲國之要道仁賢國之楨榦禮義國之防維政事國之綱紀皆不可缺三良語平而敘其次第當以仁賢爲主蓋仁賢爲國之本禮

孟子曰不信仁賢則國空虛

空虛言若無人然

參太全孟子曰爲國有要人主當知所重而急圖之如國之所恃以植立者仁賢也何代不生賢在于君能信用之耳信之

仁賢則君有所輔民有所庇社稷有所托奸宄有所憚國本極立而堅固矣有之而不信用與無人同

則國空虛雖有億兆之衆不足爲有無也

析講新安陳氏曰孟子不曰無仁賢而曰不信仁賢見仁賢自有不信用則無仁仁賢向看謂仁德之賢人也

無禮義則上下亂

禮義所以辨上下定中志

參張氏國之所恃以維持者禮義也有禮義則自身以及國君君臣父子子而上下序所以治也無禮義則名分無以辨民志無以定將上替下僭而日入于亂矣析講禮必有義義卽其所以爲禮之理也義爲事物之宜準之以行則自然有節文而爲禮宜合看無禮義總是名分不正道揆不明意

無政事則財用不足

生之無道取之無度用之無節故也○尹氏曰三者

皆不以其道也

泰張氏國之所恃以經理者政事也有政事則大綱細目舉然具舉百姓足而君無不足焉苟政事廢墮不修則無以開財之源節則之流而財用不足矣此三者正爲國之要而仁賢其本也能信仁賢則禮義由之以

出政事由之以立而王道其易易矣

析講按政事不但爲財用而財用則必由政事致云云政是大綱事是節自然亦不必分如周禮九職任萬民九賦斂財賄九式節財用皆是政事皆所以經理國用者也

不仁章全旨

當時七國之雄互相吞噬自謂力可以經營天下矣故孟子以仁字渠醒之意歸重下二句

孟子曰不仁而得國者有之矣不仁而得天下未之有也

言不仁之人驕其私智可以盜千乘之國而不可以得丘民之心鄒氏曰自秦以來不仁而得天下者有矣然皆一再傳而失之猶不得也所謂得天下者必如三代而後可參蒙引孟子曰不仁之人下以術而愚其民上以力而脅其

君則亦得以盜國者有之矣。若昔天下之人萬邦之廣欲以術而愚之，則一人之術有限而天下之大不可以勝愚也。欲以力而制之，則一己之力有限而天下之大不可以勝。

可以勝制也。

故不仁而得天下者未之有也。

析講得國以土地言得天下以入心言不仁得國知田丘之于齊三十卿之于晉是也。言外見得必以德行仁方可結億兆之心方可以得天下。

民爲貴全旨

此章總爲不恤其民者而發通章重民爲貴一句。社稷與君都是借來形容民貴之意。欲君愛民以保社稷而勿自恃其尊也。下三節非此各節釋各句總是發明民爲貴之意。

孟子曰民爲貴社稷次之君爲輕

社土神稷穀神建國則立壇墳以祀之。蓋國以民爲本。社稷亦爲民而立。而君之尊又係於二者之存亡。故其輕重如此。參序孟子曰大凡國之所恃以立者有三。日民曰社稷曰君然就三者較之。天下之至重爲民。民爲貴而社稷次于民。至于君雖神人之主而寔爲輕焉。

乎諸侯爲大夫

丘民田野之民至微賤也。然得其心則天下歸之。天子至尊貴也。而得其心者不過爲諸侯耳。是民爲重。參序惟民爲貴。是故得乎丘民之心皆爲我歸。即可以得乎天下。而爲天子。若得天子之心。不過命爲諸侯。得乎諸侯之心。不如得丘民之心。此所以民不可輕也。

析講存疑得乎天子亦可以爲天子。若舜禹是也。然舜禹亦得乎丘民也。觀夫朝覲訟獄謳歌之皆歸可見此。且得乎天子而爲諸侯。則是未得乎丘民者也。○得乎天子二句不重只形容得乎丘民句耳。○四井爲丘故曰丘民。則天下歸之貼爲天子也。

諸侯危社稷則變置

諸侯無道，將使社稷爲人所滅，則

當更立賢君是君輕於社稷也

參序諸侯之立所以保民而主社稷也苟淫佚無道不能保民而危及社稷則天子必變易君位更置賢者主之而人君

而危及帝社稷。天子以經易君位，豈賢者不能有常尊矣？夫君位之存亡，係于社稷之存亡。

安危見君輕于社稷也而其輕于民可知矣
析講諸侯危社稷要跟_金庶民來變置八

木説高僧傳記卷之三
是變易其位更立賢君與滅國不_レ同也

犧牲既成，粢盛既潔，祭祀以時，然而旱乾水溢，不

則變置社稷ヲ盛

卷之三

祭祀不失禮而土穀之神不能爲民禦災捍患則毀其壇壝而更置之亦年不順成七八增不_レ通之意是社稷雖重於君而輕於民也

參直解社稷之立，所以依民生也。苟純一色之犧牲，既肥、暗、委
是，之，粢盛五色，等，示所，大，報六，天，祭，已，之，告，然，而，文，帛，乞，武，八

水溢土穀之神不能爲民禦災捍患則當毀其壇壝徙置他上

所以示更新之意而社稷不能有常而享矣夫社稷之更置係

子生與之相告此所謂神靈與子
民也而君之輕于民益可知矣

析講大全南軒張氏曰人君惟恃崇高之勢而忽下民之微故肆其私欲輕失人心以危其社稷使其知民爲貴社稷次

之而已。爲輕焉，則必兢兢業業，不敢自恃。惟恐其失之也，則
民心得而社稷可保矣。○新義補云：社，所以祭五土之神。稷，

所以祭五穀之神，稷非土無以生，土非稷無以見。生之穀，
土之母也。又置其母於上，則其子得安也。故置土於稷，謂之
稷母也。

更置壇壝于他所非改立其神也○註年不順成二句出禮

高矣。朱雀○畢昴狼星也。不敗一卦。利祿豐也。二、三、五、七
后稷之官三百種。謂百穀之神。四農田畯。督農者也。五郵表。

嘵軒亭管農者所居及標表連繆處也六貓虎迎之而一
隙田風田豕也七坊所以止水蓄水入水庸溝也所以受水

亦以魂水也。天子歲十二月令祭八蜡。若雨暘不
時，年不順成，則八蜡之祭不通。蓋以其神無功也。

聖人章全旨

此章表夷惠之爲聖人首二句言聖人爲百世師上而歸之夷惠下卽夷惠流風之遠以明其爲聖人

也未句只帶言不以當時後世平重。朱子曰孟子願學孔
子乃以百世之師歸夷惠而孔子反不與焉何也蓋孔子道
大德全而無迹學之者終身鑽仰而不足二子志潔行高而
述著慕之者一日感慨而有餘雖贊在夷惠意在仲尼聖之
偏者猶爲百世師則進乎此者其爲萬世師無疑矣

孟子曰聖人百世之師也伯夷柳下惠是也故聞伯夷之風者頑夫廉懦夫有立志聞柳下惠之風者薄夫敦鄙夫寬奮乎百世之上百世之下聞者莫不興起也非聖人而能若是乎而況於親炙之者乎

興起感動奮發也親炙親近而熏炙之也餘見前篇參達說孟子曰行造其極之謂聖人聖人者不但一世之師寔百世之師也益其盛德至善既有以淑人心于既往而流

風餘韻印有以表師極千將來求其可以當此者伯夷柳下惠其人也故伯夷往矣聞其風之清者頑夫化而爲廉雖愚必明也懦夫化而有立志雖乘必強也柳下惠往矣聞其風之和者薄夫化而爲敦皆不渝之民也鄙夫化而爲寬皆容德之士也夫二子振奮乎百世之上若是其遠而百世之下聞者莫不興起若是其神向使清非聖人之清而猶有所雜和非聖人之和而猶有所乖則人亡而清和亦與之俱亡矣安能感化之若是哉夫百世之下聞其風者猶感化之若是而况與聖人生同時居同里親近而薰炙之者則其感化也又當何如哉信乎其爲百世之師也

析講齋士曰聖人二句重宜二頓故聞至若是乎正解夷惠之師百世而斷其由于聖人也况于親炙句太段無此一宕則似聖人可以師百世而反未必感當時故追論之疑反不甚重。首二句是總旨故聞六句是舉百世師之寔言之舊乎四句是節上聞風感化之遠而斷其爲清和造極之聖以應首句聖人二字末句只帶言之非又進一層也行造其極之謂聖師字只在間風興起內得之風是德馨之流傳于後世而可以感動乎物者也

仁也章全旨

此章爲求道於身外者發仁人道三字當重仁二字爲是故說仁也者人也合仁于人而言之序所謂

道也總是欲人反身求道主意在一合字上人知下句說人合字不知上句即寓合字意了○鄱陽朱氏曰

此章見仁爲吾身天理而體仁卽爲率性之道上

孟子曰仁也者人也合而言之道也

仁者人之所以爲人之理也然仁理也人物也以仁之理合於人之身而言之乃所謂道者也○程子曰中庸所謂率性之謂道是也或曰外國本一个也之下有義也者宜也禮也者履也智也者知也信也者實也凡二十字今按如此則理極分明然未詳其是否也

合參孟子曰人皆知有仁與道之名而不知皆吾所固有也

仁也者非他卽是人所以爲人之理也有是人之身卽有是仁之理本無岐出者故合仁于人而言之性以率形形以率性便爲天然自有之則至當不易之行而天下古今共由之道卽此而在矣非所謂道而何世

之外人以求仁與道者豈不惑哉

析講仁以所真而言道以所備而言此單言仁兼四德萬善在其之中○蔡氏曰仁卽是人物則相麗形性渾合豈可離而言之乎故必合仁于人而言然後見其爲率性之道也此深明道不遠人欲人反身求道之意○仁與道是一時事仁不在人之外而道又不在仁與人之外○單言仁只是个性耳单言人只是人形耳合形與性乃謂之道如父子君臣便是人親與義便是仁父子有仁君臣有義乃謂之道○合而言之只說不合仁于人而言之不可又倒說合于仁而言之則末仁者當反諸身知合而言之○紹聞編合非用力二字要看言之二字○陸說知仁者人斷道也則遠人者不可以爲道矣

去魯章全旨

當其可卽爲道故去魯以遲行爲道去齊則以速行爲道也上句卽其意

而記其事下行卽其事而釋其意

孟子曰孔子之去魯曰遲遲吾行也去父母國之道也去齊接淅而行去他國之道也

重

參序孟子曰昔孔子爲受樂而去魯曰遲遲吾行也豈孺滯哉去父母國恩重于義道當如是也又因晏嬰之阻而去齊則漸接而行豈追遽哉去齊他國恩不掩

義道當如是也盍可久可速聖人之時也

衍講蒙引遲遲句在未行之時說蓋因子路可去

之言而發○去父母去他國一句孟子釋之之詞

君子章全旨

此章下句釋上句言外見尼爲氣數之窮與聖人之道無與也上下以君臣言無交主孔子無可與

交而言

孟子曰君子之尼於陳蔡之間無上下之交也

君子孔子也尼與危同君臣皆惡無所與交也

參序孟子曰昔君子絕糧于陳蔡二國之間而受尼也則以上無禮賢下无士之君下無推賢讓能之臣以爲之交也是以

不免乎尼也此固上下之責也于孔子何尤哉

貉稽章全旨

此章見人當盡其在已只重士字雖文王不過

貉稽章全旨

貉

貉稽曰稽大不理於口貉音

趙氏曰貉姓稽名爲衆口所訓理

賴也今按漢書無俚方言亦訓賴

參序貉稽曰人得衆口之譽則有所賴稽

今爲人所訓大無賴于衆口將如之何

孟子曰無傷也士憎茲多口

趙氏曰爲士者益多爲衆口所訓援此

則憎當從士今本皆從心蓋傳寫之誤

泰直解孟子曰毀譽由人修爲在己訓固無復于寔行也大

凡爲士者德修而謗興道高而毀

來益多爲衆口所訓此其常也

衍講此士字指士流之望如文孔子文王是也說士字

亦可見稽之未足爲士矣○憎字訓益多猶言比端入更

多受訕謗也新安陳氏曰爲士者往往見憎

干茲多口如論語之屬憎于人其說亦可從

詩云憂心悄悄惄于羣小孔子也肆不殄厥惄亦不穢厥問文王也

詩此風柏舟及大雅絲之篇也悄悄憂貌惄怒也本言惄之仁人見怒於羣小孟子以爲孔子之事可以當之肆發詰辭隕墜也問聲問也本言太主事昆夷雖不能殄絕其惄怒亦不隕墜其聲問之美孟子以爲文王之事可以當之

○尹氏曰言人顧自處如何盡其在我者而已

序試以古之憎茲多口者言之詩云憂心悄悄然其甚而猶日見怒于群小此非爲孔子言也而孔子之事足以當之又有云故今不殄絕人之惄怒而亦不隕墜已之聲聞此非爲文王言也而文王之事足以當之士見憎如此此可見人愚不爲孔子文王耳群小之惄與厥惄之不殄固無

傷也子誠盡其爲士之道何必以不理于口爲病哉

析講言孔子文主尚不免爲人所惄怒則衆口亦何害乎詩非言孔子文主只二聖人之事足以當之亦不必說出莊

姜太王前詩重下句後詩重上句正見士憎多口之意○大

全孔子當之如見于叔孫文主當之如見分
囚于羑里○二惄字俱是人惄我卽訓意也

賢者章全肯

也○

此章見爲治貴有本二段抑揚不平思古以傷合

令以驅迫兩使孚異一已是引道他一已是驅迫他

孟子曰賢者以其昭昭使人昭昭今以其昏昏使人昭昭

也○

昭昭明也昏昏闇也尹氏曰大學之道在自

昭明德而施於天下國家其有不順者寡矣

叅大全孟子曰人已同明斯爲德化之盛然貴以身先之如古之賢者必先自明其德然後推之以新民是以其昭昭使人皆昭昭求之已也今之爲治者已徳不明而徒欲人之明其德是以其昏昏使人昭昭求之其能明明德于天下也哉

析講在人君則人字兼臣民在人臣則人字

兼君民重言昭昭者明而又明極其明也

山徑章全旨

提醒高子在亦然爲間四
字見心學不可少有間斷

孟子謂高子曰山徑之蹊間句介然用之而成路句爲間不用則茅塞之矣今茅塞子之心矣

介音夏徑山路也蹊人行處也介然倏然之頃也用由也路大路也爲間少頃也茅塞茅草生而塞之也言理義之心不可少有間斷也

參序孟子謂高子曰理義之心人所固有雖易發而亦易窒有如山中小徑僅容人之蹊步間未見爲大路也若倏然之頃人皆用之遂成大路雖成大路及爲間之暫若不用以行則依舊茅草塞之矣是路之通塞一視乎人之用不用如此然則人心善端發處一蹊間也體察而力充之則可以成德一大路也否則內爲氣習所蔽外爲物欲所誘而遂窒之茅塞也今子本心未嘗不明向道亦非無路但工夫間斷而氣習物欲之爲茅者塞字之心矣可不思所以自用之哉

析講山徑四句俱喻言正意補在塞之下以起末句山徑之蹊踰人有惟微之道心成路踰其平坦光明之心體第塞踰物欲之障塞用不用踰心學之功效與不加助不然爲間踰此心存口係于俄頃之操舍未有是孟子窺見高子心學偶懈故以此惕之○太全趙氏曰高子齊人嘗學于孟子去而學他術○翼註爲間不用是既用之後復不用也高子平昔學于孟子之門良心亦有開發處今却間斷了觀本文今字可見○上間字平聲言山路之微可行處也下間字去聲猶言暫時也

禹之章全旨

此章總是高子以器論樂孟子旣其不當泥迹而以易曉者通之城門下有只以之喻禹樂非喻文

王樂也

高子曰禹之聲尚文王之聲

尚加尚也豐氏曰言禹之樂過於文王之樂

參序高子曰嘗觀禹與文主皆聖人也禹作太夏文主作纂節南籥皆聖人之樂也以我較之禹樂聲之美其尚于文主樂之聲乎

四書章句卷之三十一

孟子篇第

析講只重禹樂不以文主平看上

孟子曰何以言之曰以追蠡

追音堆
蠡音禮

豐氏曰追鐘紐也周禮所謂旋蠡是也蠡者畫木蟲也言禹時鐘在者鐘紐如蟲齒而欲絕蓋用之者多而文王之鐘不然是以知禹之樂過於文主之樂也合叅孟子曰聖人之樂未易知也子以禹樂爲過于文王者果何所據以言之哉曰觀用之者多少卽知樂之優劣禹樂鐘之追如蠡而欲絕此必聲美而用乏者多故其器乃敝也文主之追不然吾以是知其尚于文耳

析講翼註鐘乃樂之一器舉鐘則衆樂器可知

曰是奚足哉城門之軌兩馬之力與

與平
聲

豐氏曰奚足言此何足以知之也軌車轍迹也兩馬一車所駕也城中之涂谷九軌車可散行故其轍迹淺城門惟容下一車車皆由之故其轍迹深蓋日久車多所致非一車兩馬之力能使之然也言禹在文王前千餘年故鐘久而紐絕文王之鐘則未久而紐全不可以此而議優劣也○此章又義本

參序曰是一追蠡者奚足以知樂之優劣哉以其時考之則可矣彼城門車轍之迹其深獨異于城中豈一車兩馬之力使然與蓋城門惟容一車衆轍出入日由于此日久而車多故其轍迹獨深非若城中之涂谷九軌車可散行而其轍迹淺也然則禹之追蠡亦前千餘年而日久積用而然耳豈禹其優而用之多耶何可乎以此擬文而漫云尚也

析講城門之軌貼轍迹深意在內喻鐘之蠡也兩馬之力與肺日久車多所致在內喻禹在文王前千餘年也日久車多不平日久故車多也○論樂當以德以功高子徒以器之蠡不蠡言音樂其見殊陋故孟子亦不與深言而以軌迹之易曉者示之

齊饑章全旨此見孟子知止之義全重復字前已發棠而復發棠如前已博虎而復博虎搏虎非美事而復博于爲善士之後尤不可發棠雖美事而復發于王不用之時則不可

齊饑章全旨

此見孟子知止之義全重復字前已發棠而復

發棠如前已博虎而復博虎搏虎非美事而復博

于爲善士之後尤不可發棠雖美事而復發于王不用之時則不可

齊饑陳臻曰國人皆以夫子將復爲發棠殆

不可復

又反復扶

先時齊國嘗饑孟子勸王發棠邑之倉以賑貧窮至此又饑陳臻問言齊人望孟子復勸王發棠而又自言恐其不可也

參序孟子在齊值齊國又饑陳臻曰今日國人望眼皆以夫子將復有勸王發棠之舉以臻論之殆不可復爲請也

析講蔡氏曰不能行王政而區區賑貸偶爲之則可若復發之則歲常飢而廩有限安能發得許多而爲之請者適以見其不知

正耳

孟子曰是爲馮婦也晉人有馮婦者善搏虎卒爲善士則之野有衆逐虎虎負嵎莫之敢擣望見馮婦趨而迎之馮婦攘臂下車衆皆悅之其

爲士者笑之

于執曰搏卒爲善士後能改行爲善也之適也負依也山曲日嵎櫻觸也笑之笑其不知止也疑此時齊王

已不能用孟子而孟子亦將去矣故其言如此

參茂說孟子曰君子處事當相時而動以吾今日之所遇不今合而復謂發棠是爲馮婦也晉人有馮婦者善徒手搏虎卒之改其前行而爲善士是足見重于士林矣則一日之野適有衆逐虎虎方負嵎據險之威莫敢攖觸望見馮婦衆人趨而迎之馮婦乃見獵心喜攘臂下車以徇其請斯時也衆逐虎者皆悅之其爲士者笑之笑其爲善之不終而不知止也復勸發棠得毋類是而爲士所竊笑也哉誠姬子言有所不可也

析講趙註馮姓婦名也○大金南軒張氏曰世固有勇于爲

善者不察夫理義之當然與否而必爲之蓋亦足以悅于流俗然發不中節有害于君子之道是昔馮婦之類耳學者其無惑于衆之悅而有動哉審諸已而已矣○王觀濤曰想初大勸王發棠王必有不樂而強從之者孟子難于顯言故托

馮婦爲喻○善士只是改去前日
逞技角力之陋習意不必深看

口之章全旨

此章伸性命之辨，總是人安命而盡性上節于節于衆人以爲性者則伸命而抑性便見命之當安下人退人欲而存天理也○蓋性命一也天所限制爲命我所稟受謂性前五者我所稟受而寔天所限制後五者天所限制而寔我所稟受通章主意如是首節不謂性非說全不是性但重在命耳次節不謂命非說全不是命但重在性耳故總註云各就其重處言之

孟子曰口之於味也目之於色也耳之於聲也鼻之於臭也四肢之於安佚也性也有命焉君子不謂性也

程子曰五者之欲性也然有分不能皆如其願則是命也不可謂我性之所有而求必得之也愚按不能皆如其願不此

爲貧賤蓋雖富貴之極亦有品節限制則是亦有命也秦大全孟子示人以性命之正曰自性命之不明于天下也欲之所在則人皆言性而不言命矣自言之如口之于味也有所嗜也目之于采色也有所美也耳之于聲音也有所聽也鼻之于香臭也有所好也四肢之于安佚也有所便也皆氣稟之所有合上智下愚而同之者也此亦性也若以爲性所當然一向惟意所欲矣却不知在人則有所賦之分在理則有不易之則蓋有天所限制之命存焉須聽于天安于定分始得君子則未得不强其有既得不縱其欲不謂此爲性而徇之也

析講蒙引據程註集註五者亦性則告子生之謂性食色性也之言亦不爲謬矣曰孟子此言性也是據世俗所云則固是氣質也○朱子曰五者固是人性然有命分既不可謂我性之所以求必得又不可謂分可以得而必極其欲如貧賤不能忍願此固分也富貴雖可無所不爲然亦有限制又當安之于理如糾之酒池肉林却是富貴極而不知限制也○此性字指氣質而言此命字合理與氣言貧賤之安于分此以氣言也富貴之不過其則此以理言也

仁之於父子也，義之於君臣也，禮之於賓主也，

智之於賢者也，聖人之於天道也，命也有性焉

君子不謂命也

程子曰：仁義禮智天道在人則賦於命者所稟有厚薄清濁。然而性善可學而盡故不謂之命也。張子曰：晏嬰智矣而不知仲尼是非命邪？愚按：所稟者厚而清則其仁之於父子也至義之於君臣也。盡禮之於賓主也。恭智之於賢否也。哲聖人之於天道也。無不昭合而純亦不已焉。薄而濁則反是。是皆所謂命也。或曰：「當作否？」人衍字更詳之。愚聞之師曰：此二條者皆性之所有而命於天者也。然世之人以前五者爲性，雖有不得而必欲求之以後五者爲命。有不至則不復致。力故孟子各就其重處言之以伸此而抑彼也。張子所謂養則付命於天道，則責成於己。其言約而盡矣。

參朱子理之所在，則人皆言命而不言性矣。自吾言之，如「仁」之于父子，「主愛」也；「義」之于君臣，「主敬」也；「禮」之于賓主，「主恭」也。智之於賢者，「主別」也；聖人之於天道，「主純」也。夫是五者，有全有不全，有盡有不尽。由所稟有厚薄清濁所遇有中常變順逆也。此亦命也。若以爲命已前定，任其如何，更不盡心，却不知所稟，雖有厚薄所遇，雖有順逆而降不切，無善惡之殊。蓋有人所稟受之性存焉，須盡此心以合乎理始得。君子則不然。之于天而責之于己，不謂此爲命而委之也。此

君子所以過人，欲存天理而得性命之正也。

折講上五者之性，是氣稟之所存，雖上智不能無下五者之性。是皇降之所同。雖下愚未嘗絕。上命字指定數與定理而言。下命字指氣稟與遭遇而言。如晏嬰智矣，而不能知仲尼是嬰。稟得智之淺者，所謂氣稟也。命也。如舜之于瞍，則仁或不得于父子。如文王之于紂，則義或不得于君臣。所謂遭遇也。亦命也。上節五不之于字不作欲字，看須子還他之于字而含不欲字意，在內。如同視同聽同美等是也。下節五不之于字是舉理之專屬者，言之猶云仁則属于父子也。餘倣此。若仁之于父子，有至有不至，等意直到命也。處方見天道卽仁義禮智之所從出，而渾然之全體也。但分属于父子等，則曰仁義禮智，全體于聖人。則曰天道。聖人之于天道，只在知行上說。

雖性反安勉之不向而天道屬之則一也。○大金蔡氏曰耳目口鼻四肢之欲是氣稟所生仁義禮智天道是氣稟中所具之天理合來成個氣質之性都是賦于天稟受于人性命合一的無奈人于前五者言性不言命于後五者言命不言人性竟還于一邊故孟子于兩邊並存中特舉其重者以微世不謂性所以矯人世之言性而過其縱欲之私不謂命所以矯人世之言命而作中其盡道之念上節性字指富貴貧賤之定數而兼有理下節命字指氣稟之清濁厚薄而兼所值○聖人之于天道亦有至有不至者如堯舜性之固于天道融合而純亦不已矣湯武反之禹入聖域而不優則于天道爲未盡矣又如孔子聖之時則于天道融合而純亦不已矣若夷惠尹只爲二偏之聖是于天道爲未至也○仁之于父子也有至與不至云云命也其詞雖兼至不至其意則主于不至者故曰有性焉君子不謂命也○按中庸天命之謂性註氣以成形而理亦賦焉是性命俱兼理氣言而氣質氣數總在一氣字內上下節或言理或言氣總是于一性命中一義互相發非將性命做兩樣看而君子兩不謂又總只

浩生不害問曰樂正子何人也孟子曰善人也信人也

趙氏曰浩生姓不害名齊人也

參趙註浩生不害問曰樂正子之所達是何等人物也孟子曰樂正子爲人據其今日之資事

學力言之殆善人也亦信人也

析講善人信人空講不可說出章義既且善人而又曰信人便見得以爲善人則有餘以爲信人則不足外在中間的人了此意

合著

何謂善何謂信

不害問也

參序不害又問曰何以謂之善何以謂之信

析講何謂善信只就善信名義發

問非問正子何以謂之善信人也

曰可欲之謂善

天下之理其善者必可欲其惡者必可惡

其爲人也可欲而不可惡則可謂善人矣

參大全孟子曰人情莫不好善惡惡其爲人存心處事行已接物二皆合天理當人心可欲

而不可惡則可謂之善人矣

析講朱子曰可欲是資稟好別人以爲可欲是說這人可愛也此便是他寔有可欲處故人欲他○真註可欲不重人欲乎我重在我可欲凡事在天理上做與乎人心之同然則其人有善無惡可

有諸已之謂信

凡所謂善皆實有之如惡惡臭如好好色是則可謂信

人矣○張子曰志存無惡之謂善誠善於身之謂信

參朱子善人者或其天資之近或其知及之而勉慕焉未必其真以爲然而善能不失也必其用力之久真能有此一

善于已而無一毫虛偽之意然後可以謂之信人也

析講此二節是正答其間下四節又推類以盡其餘要分辦主客○語類善人能無惡矣未必能不失也必知至意誠而善寔有諸已非若存若亡是之謂信○集註寔有之寔字是堅寔意與下充寔不同凡字皆

堅寔看重看則得下充寔矣

充實之謂美

力行其善至於充滿而積實則美在其中而無待於外矣

參朱子然人固以善信爲賢非以善信爲極也等而上之豈無更進于此者乎蓋由善而信則其行必力其守必固如是而不已焉則其所有之善充足積寔于身無少欠缺雖其隱

微曲折之間亦皆清和純懿而無不善之舞是則所謂美人也

析講充寔與有諸已要分別得明。有諸已者無僞也可保而不失也。充寔者盡善也。皆足而無欠也。一毫未備猶未充寔。○美卽善也。然必善到充寔方謂之美。此是美重于善處。故曰美在其中。○朱子曰：有諸已之謂信。是都知得丁寔是如。此做此是就心上說。充寔就行上說。事事都行得盡。○蒙引充寔二字平說非充之而至于寔也。充满而積寔猶云廣博而深厚。○彙解上節信雖訓寔只是二二善之寔。此節寔字則萬善皆寔故謂之積寔也。美是純粹無疵之意。蓋有虧即有瑕疵無虧久故純粹而美美字要從充寔二字看出。

充實而有光輝之謂大

和順積中而英華發外。美在其中而暢於四支。發於事業。則德業至盛而不可加矣。

參朱子美能充于內而已未必其能發見于外也。又如是而不已焉。則其善彌滿而光輝發越其在躬也。則眸面益背而施于四體。其在事也。則德盛仁熟而天下文。

大而化之之謂聖

大而能化。使其大者泯然無復可見之迹。則不思不勉。從容中道。而非人力之所能爲矣。張子曰：大

可爲也。化不可爲也。在熟之而已矣。

參朱子大而未化。則其大者猶出于勉然而有迹可見也。必其德之盛者日益盛。仁之熟者日益熟。則向之所謂大者。方且如春融凍解。渾然無迹而非人

力之所能爲矣。是則所謂聖人也。

析講存疑化是功夫熟後從心所欲無矜持無造作。施于四體。不言而喻。發于事業。無爲而成。如下金之融化于火水之融化于日也。○雙峰饒氏曰：生知安行。是性之聖。大而化之。是反之之聖。孔子以性之之聖。加反之之功。斯所謂聖之至。

與○功夫至于大則盡矣下面聖神只是然而又熟耳

聖而不可知之之謂神

程子曰聖不可知謂聖之至妙人所不能測非聖人之上又有下等神人也

合參然聖不皆不可知也聖而不可知則至德純乎不顯而天下莫知其所以爲業蓋無方無體而變化莫測矣是則所謂神人也析講不可知兼體用以體言如孔子毋意必固我是也以用言如孔子仕止久速各當其可是也○神不外于聖但聖不皆神如孔子夷惠尹皆聖也然夷惠尹可以清任和知之孔子則聖而不可知也○聖不皆神看作兩樣人好若作一人看只是三之下了○善信美是成己事大聖神則兼其充積之誠而自然及物者言之要皆一善所充也美就在中言大就在外言化自我不思不勉而言卽化其大之迹也不可知自人之莫測其所以然而言正指其化之至妙也神不在此聖之外聖之妙則爲神耳○此六位皆他人指而名之詞○美大聖神以人品言節節有个人字

樂正子二之中四之下也

蓋在善信之間觀其從於子教則其有諸已者或未實也張子曰顏淵樂正子皆知好仁矣樂正子志仁無惡而不致於學所以但爲善人信人而已顏子好學不倦合仁與智具體聖人獨未至聖人之止耳○程子曰士之所難者但有諸而已能有諸已則居之安資之深而美且大可以馴致矣徒知可欲之善而若存若亡而已則能不受變於俗者鮮矣尹氏曰自可欲之善至於聖而不可知之神上

下一理擴充而至於神則不可得而名矣

衆朱子人之所造其地位不同如此正子則善有餘信不足蓋介在善信二者之中而學力未充尚居美大聖神四者之下也使不以二者自足而以四者自勉則所造未可量矣此吾之厚望哉

析講點出四之下語見得自善信而上還有無限地步善信豈是住脚此中便含勉勵正子意在

過嚴也異端之與吾道抗固是與道相左其中豈

無自悔其非者病在吾黨攻擊太過反堅其不善之念故平子歸斯受乏之說非徒欲成就楊墨并欲收楊墨以爲用也通一章總重歸斯受之句蔡氏曰此章論君子待異端之道不重論今人待異端之失

孟子曰逃墨必歸於楊逃楊必歸於儒歸斯受之而已矣

墨氏務外而不情楊氏太簡而近實故其反正之漸太畧如此歸斯受之者憫其陷溺之久而取其悔悟之新也參存疑孟子曰異端之反正有漸而吾儒之設教以寬方今楊墨之徒迷而不悟固難望其以吾道爲歸矣如使爲墨氏之學者或厭其務外則必慕近寔而歸于楊者其勢然也爲楊氏之學者或厭其大簡則必求中正之圖而歸于儒者亦其勢然也夫學楊墨者既歸于儒則與楊墨之害吾道者不可同日而語也吾儒者斯受而教之憫其陷溺已久取其悔悟方新因事開引使其不疑以同歸于大道而已矣不必咎其既往而與之辨也此楊墨之所以安于反正而勿上生者也

析講南軒張氏曰兼愛者棄本而外馳爲我者狹隘而私勝墨之比楊猶奢之比儉自爲者固非猶愈于兼愛之泛也泛者尤難反耳○逃墨二句申說歸到儒上兩項俱與儒有害但窮其勢墨必歸視楊必歸儒非楊近墨遠之謂○受之不只是徒受有借之大道意○翼註吾儒先成己而後成物墨氏只務愛物至于忘其身其本故曰務外不情楊氏稍近裏但全遺了成物一邊故曰太簡近寔只在人已上見得○末句歸字直作楊墨歸儒受字直作儒受楊墨不必以楊與儒平說

今之與楊墨辯者如追放豚既入其彘又從而招之

放豚放彘之豕豚也彘闌也招胥也羈其足也言彼旣來歸而又追咎其旣往之失也○此章見聖賢之於異端拒之甚嚴而於其來歸待之甚恕拒之嚴故人知彼說之爲邪待之恕故人知此道之可反仁之至義之盡也

參存疑今之儒者楊墨旣來歸而乃與爭辯必爲之追其旣

往之失焉如追放逸之豕既已入其並使不得追矣又從而招之以羈其足斯不亦已甚乎安知彼之既歸者不將苦其嚴而思叛去彼之未歸者不將畏其嚴而不復來乎則異端之不返乎正者未必非吾儒之過矣

析講辯字重看來歸追咎意已在

有布章全旨

此爲當時取民無制者發全重用一緩一上下二段不遇反言以見其當緩耳

陳氏曰緩非廢其征

但不一時併征之耳

孟子曰有布縷之征粟米之征力役之征君子用其一緩其二用其二而民有殍用其三而父子離

征賦之法歲有常數然布縷取之於夏粟米取之於秋力役取之於冬當各以其時若併取之則民力有所不堪矣今兩稅三限之法亦此意也尹氏曰言

民爲邦本取之無度則其國危矣
參序孟子曰君子之于民征賦有常數君不能自織而衣也則有布縷之征不能自糲而食也則有粟米之征不能自興作以供奉也則有力役之征三者之外別無征矣然而君子征之又各以其時而不併取于一時焉于夏則用其布縷之因蚕績成也而其粟米力役二者則從緩于秋則用其粟米之一因禾稼納也而其布縷力役二者則從緩于冬則用其力役之因農功異也而其布縷粟米二者則從緩則民之財力得以漸取漸出而不至于困乏矣若一時而並用其二則小民奔命不給而有殍一時而並用其三則小民室家難保而父子離散矣夫國無民何以爲國爲上者可不慎哉析講粟米之征自百畝之田出布縷之征自五畝之宅出力役之征自丁口所出唐人祖庸調之法租自粟米庸餉力役調節布縷○讀禮疑圖曰按織麻曰布析絲曰縷帶穀曰粟脫穀曰米力役有一其一軍賦以冬而更番其一工賦以冬而應役徭役則在軍賦之中僱役則從工賦之便皆力役之也

諸侯章全旨

此見人君當知所寶意，土地人民政事此極重而當寶者若寶珠玉則必置三者于不理故殃必及

身。身字是彰其切已之想，殃字是竦其危亡之禍，上寶字以所係之重言下寶字是珍重愛恤之意。

孟子曰諸侯之寶三土地人民政事寶珠玉者

殃必及身

尹氏曰言寶得其寶者安寶失其寶者危

參序孟子曰諸侯之所寶者有三焉土地所以立國而爲基業所由係人民所以安國而爲根本所由固政事所以經國而爲紀綱所由植二者所當寶者也知此而安之勿失則身安而國亦安矣若寶珠玉者寶

非其寶殃必及身矣可不慎哉

析講蒙引諸侯之上地受之天子傳之先君是土地至重在所寶也何以守位曰人后非民風使是人民至重在所寶也若夫所以經其土地而理其人民者政事不又在所寶乎○人是百官民是庶民政是人綱事是節目

益成章全旨此章見人不可恃才，患首二句因其見用而策其必敗，明其言之所以驗也○凡人無才者雖欲妄作而不能有才而聞道，是有用之才自不至于妄作，惟小有才而不聞大道，則自恃其才而悖道妄作矣，不始于行險取禍，不止也。

益成括仕於齊孟子曰死矣益成括益成括見殺門人問曰夫子何以知其將見殺曰其爲人也小有才未聞君子之大道也則足以殺其軀而已矣

益成姓括名也恃才妄作所以取禍徐氏曰君子道其常而已括有死之道焉設使幸而獲免孟子之言猶信也參序益成括仕于齊之時孟子預度之曰死矣其益成括乎至益成括果見殺門人問曰夫子何以預知其將見殺曰夫人非有才之難而聞道之難聞道則善用其才而利國保身

恒必出之今括之爲人也小有才能而未嘗學問忠信仁義之大道茫然無聞也則必妄作致禍是其才祇足以自殺其軀而已矣蓋以理必之夫豈以僥幸之哉

析講翼註小有才是譽有才權謀

術數之屬大道如仁義忠信是也

之滕章全旨

此重孟子設科上或人雖至無識終未釋竊屨之疑而亦有以諒其曲成後學大道爲公之心故明人紀之

孟子之滕館於上宮有業屨於牖上館人求之

弗得

館舍也上宮別宮名業屨織之有業而未成者蓋館人所作置之牖上而失之也

參序孟子之滕滕君館之于上宮有織屨雖成置之牖上既而失之館人求之不得

或問之曰若是乎從者之屨也曰予以是爲竊

屨來與曰殆非也夫子之設科也往者不追來者不拒苟以是心至斯受之而已矣

從爲夫聲與平聲夫子如取其言有合於聖賢之指故記之

參序或人因而問曰若是乎從夫子來者之屨匿人物也孟子曉之曰予以是從者爲是竊屨之物如屨而來也以夫子之設科條以引進學者也其直既往之失不追責之其有潔已而來者不拒知之苟以是向道之心至斯受之而已矣非謂其爲竊屨而來也噫

孟子大道爲公之心其亦見諒乎或人如此

析講或人別一人非館人也觀或人能說道一良正大的誰則若是乎從者之屨也何若是乎三十字疑戲謔○不目設斂

而日設科者蓋以教人必因其才其科目自別也如誠德達

知之類往者是向日之不善不是說後日之不善○

來與來字是來滕非來學也來者來字指來學言

人皆章全旨

此章提出真心以正人見擴擴充其良心也首節達字末節指出不忍不爲之心而推廣之便是仁義重一未二節皆是申明充無穿窬之心總完得首節達字意

孟子曰人皆有所不忍達之於其所爲義也

皆有所不爲達之於其所爲義也
惻隱羞惡之心人皆有之故莫不有所不忍不爲此仁義之

端也然以氣質之偏物欲之蔽則於他事或有不能者但推所能達之於所不能則無非仁義矣

參輔氏孟子曰不忍者惻隱之事也不爲者羞惡之事也是皆本于性發于情統于心人之所固有者也但爲氣稟所拘

物欲所蔽則心失其正而不統夫性與情故有所當發而不

發亦有所不當發而反發甚至于其所不忍不爲者或有時

而忍且爲矣今人皆有所不忍推之以達于其所忍使所忍者而亦不忍焉是卽惻隱之仁也人皆有所不忍爲推之以達于其所爲使所爲者而亦不忍爲焉是卽羞惡之義也

益心得其職情得其正而性之所以爲性者得矣

析講不忍不爲俱以心言爲雖在事所以爲之者心也擴此

心之用無少壅塞則謂之達滿此心之量無少欠缺則謂之充

充惟達而後能充如擴而充之之類○陳新安曰達如導水

自畊澗建之川自川達之海充如水達海而充满于中也此

喻最明白○不忍不爲乃仁義之端達之忍

與爲卽仁義之全體下節只是申解此節耳

人能充無欲害人之心而仁不可勝用也人能

充無穿窬之心而義不可勝用也

聲

充滿也穿穿穴窬牆皆爲盜之事也能推所不忍以達于所忍則能滿其無欲害人之心而無不仁矣能推其所不爲以達于所爲則能滿其無穿窬之心而無不義矣

參序達之如何如害人者人所不忍也人能充滿無欲害人

之心量，凡有涉于害人者皆所不忍。是謂能達之于所忍，而仁民愛物，仁不可勝用也。穿窬者人所不爲也。人能充滿無穿窬之心量。凡有類于穿窬者皆所不爲。是謂能達之于所爲而歛行立節，義不可勝用也。

析講蒙引此承上文，只是一意，但露出害人與穿窬字面，以示人知所達耳。上文仁也義也，以體言，此不可勝用。以用，當達，而充之耳。此合上節，皆慈言仁義，以下專言義者，蓋仁只是丁略，只是个不忍之心，苟能充此心，便了。故說不無鄙人儀，可包括義却頭頸多玩末節，一類字可見。下二十節，稍是舉以見例，非以此二節說盡。充義之旨也。無欲害人之心，無穿窬之心，皆以人之良心言。若爲私欲所蔽，或未必有此心矣。

人能充無受爾汝之實，無所往而不爲義也

此申說上文充無穿窬之心之意也。蓋爾汝人所輕賤之稱，人雖或有所貪昧隱忍而甘受之者，非其寔也。其中心必有慚忿，而不肯受之者，乃其寔也。是卽不爲穿窬之心也。人能充此，不許受之之寔，以去其所以得之之道，是所謂充無穿窬之心，使無所虧欠。則凡一毫苟且污辱之事，足以取輕于人者，皆其所不由而無往而不爲義也。

其充滿無所虧缺，則無適而非義矣。
參蒙引然義之爲端甚多，而穿窬之類，非一必如何，而後爲能充滿無穿窬之心哉？如呼人爲爾汝，人爲汝，人所輕賤之稱也。人或有所貪昧隱忍而甘受之者，非其寔也。其中心慚忿，而不肯受之者，乃其寔也。是卽不爲穿窬之心也。人能充此，不許受之之寔，以去其所以得之之道，是所謂充無穿窬之心，使無所虧欠。則凡一毫苟且污辱之事，足以取輕于人者，皆其所不由而無往而不爲義也。
析講人能充無受爾汝之寔，正是充無穿窬之心，故曰無往非義。無往而不爲義，卽不可勝用意變文耳。
蒙引本文受爾汝之寔，是非穿窬也，而詳謂之申說其義者，蓋穿窬非受爾汝之寔，而充其無穿窬之心，則必亦無受爾汝之寔也。非是又深一節，但較密于穿窬也。下文言有意探取于人者，是皆穿窬之類，則益密矣。人能充無穿窬一條寔，該下文兩條，蓋充之云者，正謂充到此地位，若只推得數事而已，未可謂之尤也。且人知末一條爲特舉，以見例而不知中一條亦舉，以見例也。蓋人之以爾汝加我者，是輕蔑我也。我或貪昧隱忍，而甘受之者，必其所爲不義，而昧其羞惡之良心也。若大

無受爾汝之寔，便是羞惡之良心能充此羞惡之心，則凡有
魏晉穿窬足以取賤，平人之事皆斷斷不爲故曰無往非義

士未可以言而語，是以言節之也可以言而不言，是以不

節音

飴採取之也，今人以舌取物，曰飴，卽此意也。便佞隱默皆有意，探取於人，是亦穿窬之類然，其事隱微，人所忽易，故特舉以見例，明必推無穿窬之心，以達於此而

悉去之，然後爲能充其無穿窬之心也。

參太全不但已也爲士者，如于應接之間，未可以言而強爲之，言要，去動人，要，悅人，是以言，鉤致人情者也，如可以言而竟，不爲之言，須故爲隱忍，要使他來問我，是以不言，鉤致在人情者也，裏面是如此，外面却不如，此外面恁地裏面却，不恁地，不，真心，而私意如此，心術便不光明，常畏人知，雖非穿窬之事，而有穿窬之心，則亦爲心，穿窬之類而已。

充至此而後真由所不爲達之所爲，而義得矣。

析講穿窬是行之至，爾汝之稱，是事之至顯至微以言節

以不言，每是心術之至慮，皆從而充之之所謂充類，至義之盡。
○太全蔡氏曰：以言不言飴人，是穿窬之類也，受爾汝之寔，
亦穿窬之類也。故人于穿窬不爲，而于此或有爲之者，是以
不能皆義此孟子所以專繫示入也。○上三節說入此節說
士蓋說到言飴不言飴，頗爲細密，上文穿窬爾汝，士似可以
不必慮，若此語，默之微士尤當留心斟酌，詳特舉以見剖例，
字正解白文類字。○彙解王觀濤云：穿窬採取人物，言飴不
言飴，採取人情，故曰穿窬之類，看來不必拘，蓋凡不光明，不
正大，而難以告人者，俱爲穿窬之類，不必以採取二字求合
也，如上節無受爾汝，亦爲穿窬之類，豈得亦言「
採取」，蓋兩節皆舉以見例，不必拘于字面也。

言近章全旨
此章示人以言道之準，見不必過求之，遠博而廣，
節言今人無君子之善道，則無君子之善言可知，中間遠近
約博，須有抑揚孟子語意專，
重在近約二字，觀下文自見。

孟子曰：言近而指遠者，善言也；守約而施博者，

善道也君子之言也不下帶而道存焉

施去聲

古人視不下於帶則帶之上乃目前常見至近之處也

舉目前之近事而至理存焉所以爲言近而指遠也
參紹聞編孟子曰垂訓立教必資于言而言有其至善者在
益有言必有指而近遠殊致如言極切近而其中所含之指
却深遠者則既非過高而不合于經常亦非徒近而不根于
至理此善言也經世宰物必資于道而道有其至善者在益
有守必有施而約博殊功如守極簡約而其出所發之施極
廣博也則得其至要而道爲有本善其所推而道爲有用此
善道也求其能是二者其惟君子乎是故君子之言也止就
目前之近事平平立論若不在于衣帶之下可謂近矣而天命
人心之至理無不在于其中焉何
其指之遠也信乎其爲善言矣

析講大全蔡氏曰此揭言道之善以爲過求者程謂必如此
而後善言近而近言中所含蓄之旨趣自遠易簡爲名理之
淵藪此經世之至言也守約而約守中所發出的施用自博
熟而挈變化之樞紐此撫世之弘模也○遠近博約四字
須虛講以留下文地步不下帶者言其事之近也天下無一事無理理即是當然之則之所以然之故皆至精至微而不
可淺近言也○不下帶只是狀其近的意思言不出于民生
日用之常皆人所能知能行便是目前至近而理則至精至
微原于天命具于人心便是道在道存二字要見高妙
意方與指遠相貼如論鷺魚而上下窮之觀是也

君子之守脩其身而天下平

此所謂守約而施博也

參紹聞編君子之所守只是修己之身可謂約矣而舉而
措之則推無不準動無不化而天下自平焉何其施之博也信乎其爲善道矣

析講天下平無工夫工夫在修身內○天下平不作感化說上
觀一施字只是舉而措之耳見得治世之理不外于治身之
中全也

人病舍其田而芸人之田所求於人者重而所

卷之三
以自任者輕

舍音

四書正解

卷之三

三十四

此言不守約而務博施之病

參大全夫治身之與治田一也必先治己身而後可以治人猶先自治其田而後可以治人之田也乃今人通病在舍其自己之田不治而欲芸人之田徒欲人之各修其身所求于人者重不務自修其身而所以自任者輕不務守約而務施博益不知一身爲天下之本本故也而欲天下之平可得乎此善道所以必歸之君子而善言可知矣

析講此節與詩之興體相似下二句是正說○劉上玉曰善言善道平開君子之言君子之守乎開此條便承君子之守節意而单独之亦古人隨意說文不必拘拘也如畏天樂天下只引詩畏天之威証仁人心義人路只說求心不急不爲後只說充無穿箭古法每每如此若

因而有偏有撇有側串扭合者皆非也

堯舜章全旨

通言欲人盡性以希聖首節著堯舜湯武一性

堯舜章全旨反做中個樣子大節概言聖人率性之一事卽堯之所

在末節見君子當純心行法以復其性正反也

孟子曰堯舜性者也湯武反之也

之事○以性字作主反之者修爲以復其性也

性者得全於天無所汚壞不假脩爲聖之至也反之者脩爲以復其性而至於聖人也程子曰性之反之古未有此語蓋自孟子發之呂氏曰無意而安行性也有意利行而至於無意復性者也堯舜不失其性湯武善反其性及其成功則一也

參序孟子曰聖人之德終固無殊而始則有異古聖若堯舜者乃天理自然性而渾全不思不勉之聖人也若湯武者由于修爲以復其性而至于聖是爲反之也

析講大全朱氏公遷曰此以德性言聖人身之兼用功而言反之舉成功而言此性字以天理自然而言非指性而言也乃所以性其性也指其人而言曰性者自其率性而言曰性之○蔡氏曰者字以入言堯舜序是天性渾全的人反之之二字卽承上文復字言修爲以反復其性見湯武能合德于堯舜意○前章對五伯說總以道之誠言此章主聖之安勉言前章性之之字主道而言言道出于性也此章性者者字主

入而言言性者之聖也身之反之亦不同身之所反之之功惟能身之所以能反之也復也復其性也

動容周旋中禮者盛德之至也哭死而哀非爲生者也經德不回非以于祿也言語必信非以

正行也

中爲行並去聲

細微曲折無不中禮序其盛德之至自然而中而非有意於

中也經常也回曲也三者亦皆自然而然非有意而爲之也皆聖人之事性之德也

衆存疑性者之事何如如動容而顏面之間周旋而動履之際無不中于禮節者乃盛德之至也聖人一身渾全天地故行出來都是禮乃自然曲中而非有意于中也一見死者哭之盡哀益聖人誠心激發自然傷切不期哀而自哀非下欲生者感我故哀也日用彝倫經常之德皆盡其道而無邪曲自有得祿之理然聖人是稟性自然不回不是欲于祿故不回也一言一語必然信寔則言之必行所行者在非道義

之所在而行無不正矣然聖人之必信乃有德之言自然必信不是有意于正行而爲此也蓋法由此立命由此出此性

乏之德也堯舜之所以爲聖者亦可卽是而推之矣

析講大全輔氏曰

四者特舉聖人之庸行人所易曉者以例

其餘○蒙引

正行不與生者于祿爲例正行亦何不好但聖

人不用着意耳非爲生者非以于祿非以正行數句要說仔

細益下文行法俟命亦是非有爲而爲者恐說得無性彝反

乏之別故此節要說出自然而非有意爲之意須與下節

意少異○此條只是性者之德不是指堯舜言如哭死而哀

非以于祿此處都說堯舜不得君子行法俟命亦然○此節

自然意耳中禮而曰盛德之至者蓋容貌之動乃德之符聖

人一身渾是天理故行出來都是禮也必信必字非期必之

必序心口相符無有不信之意言行相符言語必信雖正行

之地然聖人則自然如此非有意正行而然也○動容如何

中禮如視不上下于面不下于帶予之燕居申申之類是也周

旋中禮圓中規是也此亦是舉小見大意動容周旋皆能中禮則大者可知經德猶云庸德如子臣弟友之道之類是也

能盡其道便，是不回。○翼註性外無德得之，卽爲德德，對無

禮履之，卽爲禮，自然意在至字上，見六
有一毫勉強，則德未盛，盛未至矣。

君子行法以俟命而已矣

法者天理之當然者也。君子行之而吉凶禍福有所不計，蓋雖未至於自然而已。非有所爲而爲矣。此反之之事，董子所謂正其義，不謀其利；明其道，不計其功。正此意也。○程子曰：勸喻周旋中禮者，盛德之至行。法以俟命者，朝聞道，夕死可矣之意也。呂氏曰：法由此立，命由此出，聖人也行法以俟命。君子也聖人性之君子，所以復其性也。參輔氏反之之事如何？凡古聖賢之所制皆有法。如爲君而仁爲臣，而敬子孝父，慈皆是也。君子身體而力行之，盡其在。我之所當爲，至命之有吉耶？福耶？聽其自至，吾無所趨也。凶耶？禍耶？亦聽其自至，吾無所避也。俟之而已矣。雖未能如性者之安行，自然而非有所爲而爲之，及其成功。一也。湯武之所以爲聖者亦可，即是而推之矣。

析講

蔡氏

日行字着力，有修爲工夫，反之意正從此見俟命。

正死壽不貳，意正行法之純。○行法不必拘拘，以上文貫而上文事亦該得。如君仁臣敬父，慈子孝之類，亦在而已矣。者見得法如此。吾行吾法而已，而非有所爲也。○蒙引君子行法，是依法而行也。堯舜不待依，法行而所行者，自是法故曰由仁義行，非行仁義也。此所以爲性者，反之之別。

說大章全旨

此示人以遊說之道，首節言說大人者，不當有所畏。下是推言所以不足畏也。通章藐大人處全，從

我所不爲處見得，而寃下所以不爲之故。弊累在昔古之制，向若在我無此古制，自然壓他不下。此爲世人把大人許多崇高富貴當事，有些不無敢出諸口。故孟子云然。

孟子曰說大人則藐之勿視其巍巍然

說音稅

趙氏曰：大人當時尊貴者也。藐輕之也。巍巍富貴高顯之貌藐焉而不畏之，則志意舒展，言語得盡也。參大全孟子曰：今遊談之士，欲于當世之大人而思有以說，之一吐其胸中之奇者，則當藐之。若不然，意勿視其巍巍然，把大人許多崇高富貴，當事則心無所怯，而後言無不盡也。析講朱子曰：此主于說而言，妃曰見大人則藐之，則失之矣。

益大人固當畏而所謂藐者乃是藐其堂高數仞之類耳○
輔氏曰若不藐視之則是爲其巍巍者所動矣志氣更有所

懼怯則必不能展盡底蘊剛强者有懷或不敢盡棄弱者則
以至子變其所欲言而反徇之矣

○藐以心言不三是禮貌上倨傲他

堂高數仞榱題數尺我得志弗爲也食前方丈

侍妾數百人我得志弗爲也般樂飲酒驅騁田
獵後車千乘我得志弗爲也在彼者皆我所不
爲也在我者皆古之制也吾何畏彼哉

榱楚危
反般音

盤樂音洛乘去聲

榱桷也題頭也食前方丈饌食列於前者方一丈也此皆其所謂巍巍然者我雖得志有所不爲而所守者皆古聖賢之法則彼之巍巍者何足道哉○楊氏曰孟子此章以

已之長方人之短猶有此等氣象在孔子則無此矣

參家引魏非故傲之也亦以其所爲巍巍者原至輕耳彼大人所居堂高則數仞榱題則數尺是宮室之美巍巍然也我得志弗爲此宮室之美也食饌列于前者方一丈侍妾列于側者數百人是食色之盛巍巍然也我若得志弗爲此食色之盛也般樂飲酒驅騁車馬以甲兵後車之隨千乘是晏遊之後巍巍然也我若得志弗爲此晏遊之後也在彼之勢皆我不爲也在我者居廣居立正位行大道皆古聖賢之法制也彼以其富我以其仁彼以其爵我

以吾義吾何畏彼哉夫如是而後可以說大人矣

析講制字不是制度只是天理之當然若有成法乃千古聖賢相傳而守之者○看來上三不爲皆是鄙其縱欲無接而不爲○蔡氏曰大人不足畏以已有高千大人者非貧賤矯入之謂三不爲謂志之別有所托而不淫于富貴也○王觀濤曰制字有味正對他放縱無制說

但不是不爲上三段事便謂之制

養心章全旨

此示人以養心之要也孟子下書三言養字二日養氣者在養性理具于心善養性者在養心心消于欲善養

盤樂音洛乘去聲

心者在寡欲寡之又寡以至于無則心存而性存氣不必言矣○首句提起下申言之也不存邊輕

孟子曰養心莫善於寡欲其爲人也寡欲雖有不存焉者寡矣其爲人也多欲雖有存焉者寡矣

欲如口鼻耳目四肢之欲雖入之所不能無然多而不節未有不失其本心者學者所當深戒也程子曰所欲不必沈溺只有所向便是欲

參直解孟子曰人之有心乃具衆理而應萬事之本誠不可不養也而耳目口鼻四肢之欲恒足以累其心故養心之道莫善于寡其欲焉欲保此清明純一之體亦惟于聲色臭味之交制之不使其逞節之不使其流而已如其爲人也能知養心之要而寡欲則外感不雜內境常清心未有不存者也如其爲人也不知養心之要而多欲則物感既淫中心無主心未有能存者也人心道心迷爲消長如此養心者其知之

析講欲未便說到邪辟不好的物事上去不好的欲如何言寡寡欲註以節字貼之甚好與克伐怨欲不行焉不同彼只制之不使流于外此在內境上用工雖有不存焉者寡只重能存意雖有存焉者寡只重不存意不必泥寡矣寧面欲如耳目口鼻四肢之欲此皆性之所有而人所不能無者豈能絕得要有節耳寡欲如察識于內欲之萌而謹其所自出檢制于外欲之交而昉其所自入皆是此句且虛下四句正見寡欲所以爲養心之要也○勦齋黃氏曰孟子嘗言操存而此又言寡欲何也操存固學者之先務然人惟一心而攻之者衆聲色臭味交平外榮辱利害動平內隨感而應無有窮已則清明統一之體又安能保其常存而不放哉此孟子發明操存之說而又以爲莫善于寡欲也雖然寡欲固善矣然非真知夫天理人欲之分則何以施其克治之功哉此格物致知所以爲寡欲之要此又學者所當察也

曾晳章全旨此章見曾子之孝思須玩不怠二字曾子不食之不忍處全要發出丁段悽愴悲慨之意

曾晳嗜羊棗而曾子不忍食羊棗

羊棗實外黑而圓又謂之羊矢棗曾子以

父嗜之父沒之後食必思親故不忍食也

參序昔曾晳生時嗜食羊棗而曾

子于父既沒之後遂不忍食羊棗

公孫丑問曰膾炙與羊棗孰美孟子曰膾炙哉公孫丑曰然則曾子何爲食膾炙而不食羊棗曰膾炙所同也羊棗所獨也諱名不諱姓姓所同也名所獨也

肉羹而刃之爲膾炙矣肉也

參淺詒公孫丑問曰膾炙與羊棗孰美孟子曰膾炙尤美哉

公孫丑曰膾炙旣美于羊棗則曾晳亦必嗜膾炙而不專嗜

羊棗也曾子旣不忍食羊棗宜亦不忍食膾炙也然則曾子

何爲食膾炙而不忍食羊棗孟子曰膾炙衆人所同嗜也羊棗曾晳所獨嗜也人之所同嗜者則以衆人視之食之自不覺而不忍之心無所激父之所獨嗜者則以吾親視之有食必思親而不忍之心激切于中此所以一食不食也此猶諱親之名不諱親之姓以姓者人所同也

也故不諱名者親所獨也故諱之也

析講獨字最重惟其同嗜故未足以觸其孝思惟其獨嗜故深足以動其感愴○麟土曰諱名不諱姓亦是猶親之名姓而言○養志是生能盡其養不食羊棗是死能盡其思○諱名以下是喻同獨之意○曲禮曰速事父母則諱王父母不速事父母則不諱王父母註曰及事父母聞祖之諱則諱之恐觸犯而動父母心也則雖諱親之名亦是恐其觸而有感焉耳正與不食羊棗同故以爲証乎中故孔子絕之欲絕鄉愿只在反經而思在狷者亦欲進之于中以傳經常之道干不泯耳前七節發明孔子思狂及狷之意後六節則詳鄉愿之所以可惡而終之以絕之術

萬章章全旨

此章以中道爲生中道所謂經也狃未能中而可進于中故孔子絕之欲絕鄉愿只在反經而思在狷者亦欲進于中以傳經常之道干不泯耳前七節發明孔子思狂及狷之意後六節則詳鄉愿之所以可惡而終之以絕之術

萬章問曰孔子在陳曰盍歸乎來吾黨之士狂簡進取不忘其初孔子在陳何思魯之狂士

盍何不也狂簡謂志大而畧於事進取謂求望高遠不忘其初謂不能改其舊也此語與論語小異

參蒙引萬章問曰嘗聞孔子在陳曰盍歸乎干晉乎吾黨及門之士狂簡求望高遠知進取矣但不忘其初其舊習未能改也此吾所以欲歸而裁之也然則孔子當

日在陳何不思其上者而取于魯之狂士耶

析講大全蔡氏曰狂簡是名目只重狂字在者必簡也進取不忘其初非申解狂簡是說狂簡之所以爲狂簡者如此○註求望高遠不能改其舊習卽下文寥寥古行不掩言意此處且勿講明蓋此序萬章引孔子之言而問也○志大謂狂畧子細事謂簡進取正見其狂不忘其初卽不忘其狂之舊習所謂不肯做下學平夫也見

其止下狂不必以不忘句貼簡字

孟子曰孔子不得中道而與之必也狂簡乎舜者進取狂者有所不爲也孔子豈不欲中道哉不可必得故思其次也

狂簡

不得中道至有所不爲據論語亦孔子之言然則孔子字下當有曰字論語道作行狂作狷有所不爲者知而自好不爲不善之人也孔子豈不欲中道以十孟子言也參直解孟子曰孔子嘗曰道以中爲貴誠得天資純正行乎道之中而無過不及者吾以道傳之所深願也今既不得中道而行者與之必也狂狷乎狂者志不卑而進取狷者毅然有守而有所不爲也得其人而激厲裁抑之固皆可進于中道也由此觀之孔子豈不欲士之中道者哉不可必得故不得已而思其次于中道之狂士也

析講孔子不得四句是引孔子之言下是推其意○蒙引某次專指狂者孔子言本兼狂狷孟子引來特要應下何思魯之狂士一句○中道二字提起重看言無過不及有狂之志又

教問何如斯可謂狂矣

萬章問

參象引章曰敢問當時魯士中如何人斯可謂狂矣

析講此問狂者之人何以謂之狂乃問狂者之寔

曰如琴張曾晳牧皮者孔子之所謂狂矣

琴張名牢字子張子桑戶死琴張臨其喪而歌事見莊子雖未必盡然要必有近似者曾晳見前篇季武子死曾晳倚其門而歌事見檀弓又言志異乎三

子者之撰事見論語牧皮未詳

參序孟子曰如琴張曾晳牧皮之

三子者其孔子之所謂狂士矣

析講如琴張如字有不能盡舉意

麟土曰此亦舉其人不

董微其事恐妨下問也

大金莊子大宗師篇子桑戶孟子

何以謂之狂也

萬章問

參序章曰有狂之名必有狂之寔敢問何以謂之狂也

曰其志寥寥然曰古之人古之人夷考其行而不掩焉者也

寥火去聲

寥寥志大言大也重言古之人見其動輒稱之不一稱而已也夷平也掩覆也言平考其行而不能覆其言也程子曰曾晳言志而夫子與之蓋與聖人之志同便是堯舜氣象也特行有不掩焉耳此所謂狂也

參淺說孟子曰狂者其志大故其言亦大寥寥然曰古聖賢

之人古聖賢之人動輒稱之以自期也及卽其言之大者與其目用行事乎考之而又不能如其言也稱古人所謂進取行不掩所謂不忘其初也孔子之思

狂士者非欲因其志而進之于中平

析講志大言大者志大形爲言大也觀提其志二字于寥寥上可見行不掩正是其志大處非貶詞○其志二字微讀寥寥然三句相連讀夷平也將其行與言比則行不及其言也○末找孔子思進之于中而傳以道意

狂者又不可得欲得不屑不潔之士而與之是

環也是又其次也

此因上文所引遂解所以思得環者之意狂有志者也環有守者也有志者能進於道有守者不失其身屑潔也

卷序思狂者又不可多得于是欲得不屑爲不潔之士以勵其不及而舉之以道是狷也是孔子之所謂有所不爲而比之狂者則又中行之次也夫其思狂也固思中行之心也其思狷也猶思中行之心也孔子之爲道計者如此矣

研講麟土曰非及狷者究必也狃狷譖也又其次其字不精狂者狂者固中行之次狷者又中行之次也○以上思狂狷以下惡鄉原此處分截○不屑不潔者以不善不潔而不屑爲之也

孔子曰過我門而不入我室我不憾焉者其惟鄉原乎鄉原德之賊也曰何如斯可謂之鄉原矣

鄉原非有識者原與愿同荀子原慾字皆讀作愿謂謹慮之人也故鄉里所謂愿人謂之鄉原孔子以其似德而非德故以爲德之賊過門不入而不恨之以其不見親就爲幸深惡而痛絕之也萬章又引孔子之言而問也

卷序章既得狃狷之說矣因孔子又嘗曰有人于此過我之門而不入我之室我全不之憾焉者其惟彼鄉原之人乎鄉原蓋德之賊也章引之而問曰不知所以謂之鄉原者其寔何如而見惡于孔子若此也

析講註似德非德句預透宣運。○萬章得孔子之所思者，遂欲聞孔子之所惡者，故又引孔子惡鄉原之言而問之。是欲入究鄉原爲人之寔，故下文只答以鄉原爲人之寔，未詳言其所賊德也。○慶源輔氏曰：鄉人無知其所謂原則固非真愿者也。○德卽中道也。

曰何以是嚙嚙也言不顧行行不顧言則曰古之人古之人行何爲踽踽涼涼生斯世也爲斯世也善斯可矣閨然媚於世也者是鄉原也

去行

聲踽其禹反閨音奄

踽踽獨行不進之貌涼涼薄也不見親厚於人也。鄉原譏狂者，曰何用如。此嚙嚙然行不掩其言而徒每事必稱古人耶。又譏狷者曰何必如此。踽踽涼涼無所親厚哉。人既生於此世，則但當爲此世之人。使當世之人皆以爲善，則可矣。此鄉原之志也。閨妃奄人之奄，閉藏之意也。媚求悅於人也。

孟子言：此深自閉藏以求親媚於世，是鄉原之行也。

黎序孟子曰：欲知鄉原之爲人，亦自其志行觀之，可知。狂者以古人自期，其志足嘉也。彼鄉原則譏狂者，若曰：何用是嚙嚙然也？言不顧其行，行不顧其言，則動輒曰：古之人古之人，眼得者不屑，不潔其行足嘉也。彼鄉原則訛狷者，若曰：行又斯世也，卽當爲斯世之人而不必好古，以自高也。爲斯世之人，使人皆以我爲善焉，斯可矣。何必絕世以自潔哉。鄉原志意如此。于是不爲狂者之嚙嚙，不爲狷者之踽踽，涼涼不敢以二言一行，拂人收敛退縮，閨然以媚于世，而取容都是鄉原之行也。

析講何爲是嚙嚙五句是鄉原譏狂者之言行何爲一句是鄉原譏狷者之言。生斯世也三句又是鄉原總承狂狷而自見其志之言。○亦未必鄉原寔有是言，是孟子推其意向，如此。○善斯可矣。槩頂爲斯世也，來爲斯世之人不必泥古之，人便能使當世之人皆以爲善了。此善字亦是稱其長厚，許其圓通之意。○是鄉原也，只粘上句說，不承通節。○生斯世也三句亦打着狂狷爲斯世之人，則不欲爲狂言。使入世稱善，則不欲爲狷。閨然是收敛退縮，不敢放出一句忤人之詞。

不敢行出一件央俗之事。此孟子評論鄉原也。○踴躍屬行已邊多涼涼屬待人邊多蹠蹠如獨清獨醒意涼涼亦非刻薄只是不諧俗更覺寥落耳閑然是深自韜藏圭角恐與人異故曰媚于世

萬章曰一鄉皆稱原人焉無所往而不爲原人

孔子以爲德之賊何哉

原亦謹厚之稱而孔子以爲德之賊故萬章疑之

參序萬章曰一鄉有二公論矣皆稱之爲原人焉必其立身行已無所往而不爲原人矣夫謹厚似亦

無害于德也而孔子以爲德之賊何哉

曰非之無舉也刺之無刺也同乎流俗合乎汙世居之似忠信行之似廉潔衆皆悅之自以爲是而不可與入堯舜之道故曰德之賊也

呂侍講曰言此等之人欲非之則無可舉欲刺之則無可刺也流俗者風俗頽靡如水之下流衆莫不然也汙濁也非忠信而似忠信非廉潔而似廉潔

參張氏孟子曰子亦知鄉原之情狀乎其善自矯飾將欲曉舉其失而非議之令人無可舉也將欲細指其失而刺責之上令人無可刺也一惟與時浮沉同乎下流之俗隨衆委靡合乎汙濁之世而毫無執守心之所居非真忠信也而深情厚貌似乎忠信身之所行非真廉潔也而好名矯讓似乎廉潔此正其閑然媚于世者衆人不知皆悅而稱之人既見之矣彼亦自以爲是求無悔悟而終其身不可開其迷通其蔽興入堯舜之道夫堯舜之道太中至正天理之存乎人心者也德之至也若猶原所謂善斯可謂出于一已之私竊德之似者也乃使世俗之人惑而效之以似爲眞不徂自害且以害人矣故曰德之賊也

析講無舉無刺言其善爲弥縫以處已言同流合汙言其巧爲迎合以待人言此四句且輕虛居之二句方寔落居之是存心行之是制行○其不可入道病根只在似字故字總承第一節賊字承似之而寔不可與入來堯舜之道卽是中道

正後面所謂經也。鄉原不狂不狷，似中行而寔非中行，乃自以爲是，而居之不疑，故不可與開其迷，通其蔽，而入堯舜之道。○此節當重居之似忠信二句，卽下文似是而非也。○同流令汗與尋常隨俗習非者不同，蓋他人隨俗習非乃是不能自守，而爲世俗所染溺耳。此却是自託于達人之和光而曲爲俯仰調停之術，以徇天下，然又無流與汗之迹。若有流與汗之迹，又可非刺矣。

孔子曰：惡似而非者，惡莠恐其亂苗也；惡佞，恐其亂義也；惡利口，恐其亂信也；惡鄭聲，恐其亂樂也；惡鄉原，恐其亂德也。惡其亂德也，由孔子此言觀之，其所以惡鄉原，而以爲德之賊者，非以其亂德之故哉？

聲莠音有

孟子又引孔子之言，以明之。莠似苗之草也，佞才智之稱，其言似義而非義也。利口多言而不實者也。鄭聲淫樂也。樂正誰爲苗？故亂苗惡莠，正色也。鄉原不狂不狷，人皆以爲善，有似乎中道而實非也。故恐其亂德。

叢存疑。孔子嘗有言曰：天下有眞是者，人皆知其爲是有眞非者，人皆知其爲非。此不足以惑人也。惟天下之似是而寔非者，最爲可惡。以其能亂眞也。如莠似苗，使人觀之，莫能辨。誰爲苗？故亂苗惡莠。正恐其亂苗也。佞，人之言似義，使人聽之，以爲眞義，故亂信。惡利口，正恐其亂信也。鄭聲似雅樂，使人聽之，以爲雅樂，故亂雅樂。惡鄭聲，正恐其亂雅樂也。惡似朱，使人視之，以爲眞朱，故亂朱惡紫。正恐其亂朱也。鄉原，非忠信廉潔，使人莫辨。眞忠信廉潔，故亂德。惡鄉原，正恐其亂德也。由孔子此言觀之，其所以惡鄉原，而以爲德之賊者，非以其亂德之故哉？

析講存疑。佞與利口如何分別？佞是才智之稱，中有智畧本，是不義的事。他却安排裝點說出這一個道理，似個義理，如「刪通」之說。韓信其言鑿鑿，可聽此真佞者利口之人無許。多心機，只是目前口利舌便假如與人做朋友，他說要與你如何真有同患難，同生死的意思，聽其言，雖管鮑雷陳不過，人皆以爲信，不知心中全無實事。○蔡氏曰：上文言鄉原德，賊莫非似是而非之意，既發明孔子之意，而此節又引孔子

君子反經而已矣 經正則庶民興 庶民興斯無邪慝矣

之言以証之首句是冒下正言惡似而非之寔德者堯舜大中至正之道萬世之常經也邪僻作而經斯亂矣大經正而鄉原之邪僻息矣此上下相承之旨○翼註恐字是自推其惡之心亂者暭亂莫辨之意當重惡鄉原句子子有世道之責者惟在反經而已矣蓋君臣父子夫婦兄弟與進道狷者有所不爲而可與有爲也所惡於鄉原而欲痛絕之者爲其似是而非惑入之深也

反復也經常也萬世不易之常道也興興起於善也邪慝如

鄉原之屬是也世衰道微大經不正故人人得爲累說以濟其私而邪慝並起不可勝正君子於此亦復其常道而已常道既復則民興於善而是非明白無所回互雖有邪慝不足以惑之也○尹氏曰君子取夫狂狷者蓋以狂者志大而可克與進道狷者有所不爲而可與有爲也所惡於鄉原而欲痛絕之者爲其似是而非惑入之深也

絕之之術無他焉亦曰反經而已矣

參淺說然鄉原亂德由大經不正而人心之真是未明耳君子有世道之責者惟在反經而已矣蓋君臣父子夫婦兄弟

朋友乃堯舜以來萬世不易之常道天下事無有出此五者君子躬行以率之于上而又修明教化禮樂以導之于下使大經昭炳日星而復歸于正大經既正其他節自皆可舉則風化之本以端而庶民皆有所觀感莫不興起于善而惟常道之是遵矣庶民興則人人知反其本而是者知其爲是非者知其爲非則邪慝不能爲之惑而異端之道自然銷鑠而至于無矣至是而堯舜之道不將大明而中行之德誰能滅之哉不然後世如鄉原之害者何可勝言君子寧漫爲之計耶

析講大全新安陳氏曰邪慝不止于鄉原如楊墨皆是以此章言則指鄉原故云鄉原之屬○王觀濤曰此君子有世道之責者達而在上則爲堯舜窮而在下則爲孔子不可下專主在王者說失孟子自信之意○經原無不正只復之便是經正○章旨本是思在徂惡鄉原乃結局處獨歸庶民最當着眼蓋徒靠幾個狂狷寥寥踴躍適遭鄉原侮慢濟得甚事救世君子所以思在徂惡鄉原要與吾黨共鼓舞庶民庶民既興野夫遊女皆有志氣骨力則闡媚風氣如雲霧之消散何獨一二鄉原故曰斯無邪慝矣

由堯章全旨

此孟子歷敍道統之傳而終之以自任之意明已。方之得統于孔子也前三節敍群聖重在孔子未節。

重在三、一个今字隱然有守先待後意道統之所以傳總在是不知聞知四字而見知邊又較重蓋聖人之道必有同時之見續其不傳之緒也○見知聞知知其道也知其道者知其心萬古一理千聖一心世遠而心之神明相接迹異而心之天理相孚道統之所以不絕者賴此而已

孟子曰由堯舜至於湯五百有餘歲若禹臯陶

則見而知之若湯則聞而知之

趙氏曰五百歲而聖人出天道之常然亦有遲速不能正五百年故言有餘也尹氏曰知謂知其道也

參淺說孟子曰聖聖相傳大道不息嘗稽之古精一熟中之傳自堯舜始由堯舜至于湯計其時五百有餘歲若禹臯陶則親見其道而知之若湯則聞其道而知之而堯舜之道湯傳之矣

析講大全文雲峰胡氏曰論孟未皆言堯舜以來相傳之意但論語以行言故歷述其政事之寔孟子以知言故歷敍其見聞之真堯言執中中之用也湯言降衷中之體也舜自心上發出執中之蘊而六經言心始此湯自性上推出降衷之初而六經言性始此可見堯舜湯明道處至若見知言禹臯而不言稷辨何也或曰舉禹臯可例其餘矣然者之書稷辨不曰謨而禹臯曰謨觀洪範九疇禹發之天秩天敍五典五福臯發之其明道之功固不小也○蒙引

由湯至於文王五百有餘歲若伊尹萊朱則見而知之若文主則聞而知之

趙氏曰萊朱湯賢臣或曰卽仲虺也爲湯左相參序由湯至于文王五百有餘歲若伊尹萊朱則見而知其道若文王則聞而知其道而湯之道文主傳之矣析講雲峰胡氏曰舜言精一而後協于克一伊尹能發之堯言執中而後建中于民仲虺能發之曰勇曰知曰仁曰禮曰

義中庸三達德孟子四端已先見于仲虺論中矣是知菜未即仲虺也○論語之末言武不言文此言文不

言武文王謨以明道言也武王烈以行道言也

由文王至於孔子五百有餘歲若太公望散宜生則見而知之若孔子則聞而知之

散素
董反

散氏空生名文主賢臣也子貢曰文武之道未墜於地在人二賢者識其大者不賢者識其小者莫不有文

武之道焉夫子焉不學此所謂聞而知之也

散氏空生名文主賢臣也子貢曰文武之道未墜於地在人二賢者識其大者不賢者識其小者莫不有文

而知其道若孔子則聞而知其道而文王之道孔子傳之矣

析講趙註散氏空生名文主賢臣之一也呂尚有謀勇而爲將空

急義勝欲之類太公發之書曰廸茲彝倫之教空生

生有文德而爲相故以相配而言之也○蒙引要之亦不必取徵于書傳書傳所載有限彼

見知開知則大道之全自其渾然之理與其粲然之用何所不周何所不至而豈可以簡冊有爲而發之遺言緒論爲之

由孔子而來至於今百有餘歲去聖人之世若此其未遠也近聖人之居若此其甚也然而無有平爾則亦無有乎爾

林氏曰孟子言孔子至今時未遠雖魯相去又近然而已無有見而知之者矣則五百餘歲之後又豈復有聞而知之者乎○愚按此言雖若不敢自謂已得其傳而憂後世遂失其傳然乃所以自見其有不得辭者而又以見失天理民彝不可泯滅百世之下必得有傳而心得之者耳故於篇終歷敘羣聖之統而終之以此所以明其傳之有在而又以俟後聖於無窮也其旨深哉○有宋元豐八年河南程顥伯淳卒公沒聖人之道不行孟軻死聖人之學不傳道不行百世無善治學不傳于載無真儒無善治士猶得以明夫善治之道

以淑諸人以傳諸後無真儒則天下貿貿焉莫知所之，人欲肆而天理滅矣。先生生乎千四百年之後，得不傳之學於遺經，以興起斯文爲已任，辨異端闢邪說，使聖人之道煥然復明於世。蓋自孟子之後，一人而已。然學者於道不知所向，則孰知斯人之爲功？不知所至，則孰知斯名之稱情也哉？

參大全由堯舜至孔子，約五百餘歲而聖人出，所以異世同心歷聖同道。道統繩繩相續，不絕者，寔同時之見而知之者，知之于先而異世之聞而知之者，得而知之于後耳。自孔子至今方百餘歲，去孔子之世甚遠也。目鄒至魯，近聖人之居，又若此甚也。宜其有得下見知之真者矣。苟使今不如此已，無有見而知之者，則如前所云，五百歲之後，豈復有聞而知之者乎？斯道之傳，益深有可憂而有斯道之責者，無容自誣矣。

析講大全朱子曰：禹畢之徒皆名世之士，伊尹太公，又湯文之師，非必見其君而後知之。湯文孔子，又生知之聖，亦不必聞前聖之道而後得知之也。此曰見而知，聞而明者，蓋以同時而言之，則斯道之統臣當以君爲主，以異世而言之，則斯道之傳後世，當以前聖爲師，觀其所謂然而無所有乎？爾則雖若

不居而其自任之寔可見。觀其所謂則亦無有乎？禹則雖若嘆其將絕而所以啓夫萬世無窮之傳者，又未嘗不在乎斯也。○趙氏惠曰：孟子之生，雖不可知，然哀公十六年孔子卒，又十年而悼公立，凡四十年。元公二十二年，穆公三十一年，共公二十二年，康公九年，景公二十九年，共一百六十四年，而魯平公繼立。由孔子而來，至子，今百有餘歲。則孟子必生于穆公之末，共公之初，以魯平公之繼見孟子，而臧倉阻之，梁惠王見之，而稱曰：夏其年先後于穆公之間，槩可見矣。近聖人之居，以鄒魯言，孟子鄒人也。分明自任，下二句如何？又推論分明，是反言以決其必有見知與聞知也。○蒙引兩子思三人乎？而孟子云：然，是前無三子而自增見知也。曰不然，楊墨之道不息，孔子之道不著，顏曾子思當孔子在日，則以有孔子在今，則與孔子俱往矣。世道之責微，孟子任之明，孔子不百年而墮矣。故曰：輒出孔子之道尊此。

孟子卷之十五

大尾

元祿十丁丑載孚譽穀且

住寺町通五條橋詰町西側

平安城書林天壽屋市郎兵衛好廷

藏梓

題新刻四書正解後
夫道無他焉率性是也人而
率性則爲子必孝爲臣必
忠凡夫婦之別朋友之交
亦必有其道而日用彝倫不
可須臾離也而其齊治平之
驗不求而自至焉故不云乎

道在邇而事在易。若夫學道而求諸遠，求諸難，則離安在。其爲道也哉？是大可歎。漢興來談經，奚止數百家？然其能得正意者幾家？而其間真識血脈路者尤爲鮮矣。多厭邇馳遠舍，易取難縣。是而五車有蓀右氏，耑用力於經學，刻苦積年，而始能成其書。總若干卷，命曰四書正解。其志欲爲天下后世啟模徑者也。

元祿某年航海入崎島賣書
翁某獲之一日問余而曰此
冊子倘有益於學者迺吾將
壽梓以廣其傳焉子其圖之
余就而檢點之務折東諸家
間附以已意其合參折講事
簡而詞白義得而理盡可謂
蓀右先得其邇且易者矣甚
便於講習視彼顧奴失主者
大有庭逕於此不自揣竊以
國字作訓點功成而某喜而
持疾去客有詰余曰是果爲
階梯平抑或爲蛇足平未可
以知也余長吁曰客非知言

者居我語女若朱夫子當翹宋稱鉅儒上自六經四子下及通書離騷等書蔑不悉有釋其學宏博其識精深議論正大文章雄渾確平義操峯乎德風人仰之如泰山北斗實河南已來之一人而後世未敢置異論焉尚且不免於有少出入而況於蔡右者乎擇而采之存乎其人焉耳矣要之學道者直從堂入室親見孔曾思孟而可也若徒弄紙上死語不得之心猶竟日對画餅然雖目視而美之画

餅豈可使能飽人耶然則何
益矣客幡然正襟而謝曰我
過矣時某來告刻成遂爲之

跋

元祿丁丑春三月哉生魄

洛陽後學三雲義正新四郎謹書

發行

江戸日本橋通一丁目

須原屋茂兵衛

同淺草茅町二丁目

須原屋伊八

同日本橋通二丁目

山城屋佐兵衛

同全所

小林新兵衛

同芝神前英

岡田屋嘉七

同本石町卜軒店

大助

同下谷車阪町

和泉屋庄治郎

京寺町通松原勝

太田屋六藏

備中倉敷

秋田屋太右衛門

大忍齋摘要堂寺町

書肆

早稻田大学図書館

011888004264